



乾
隆
府
廳
州
縣
圖
志

廣
西

ル 5
1353
17



湖南周廣順初屬南漢宋仍為桂州始安郡靜江軍節度屬廣南路至道三年分置廣南西路大觀元年升為帥府紹興三年升為靜江府元至元十五年置靜江路總管府屬湖廣行省明洪武初改曰桂林府為廣西布政使司治

本朝因之巡撫部院及布政使司按察使司治此分守桂平梧鬱道亦駐此理苗通判駐龍勝川

府境 東西距五百五十五里 南北距五百五十五里

八到	東至湖南零陵縣界三百四十五里
	西至柳州府融縣界二百十里
	南至平樂府荔浦縣界一百八十里
	北至湖南城步縣界三百二十里
	東南至湖南永明縣界三百七十里
	西南至柳州府雒容縣界二百五十五里
	東北至柳州府新寧縣界三百六十里
	西北至柳州府懷遠縣界二百六十里
	自府治至京師七千四百六十里

土貢 銀 銅鏡 麝皮 麝香 蚌 蛇膽 銅器 葛 朱砂 冷石 鐘乳 零陵 石燕 翠羽 何首烏

管縣七州二

臨桂 興安 靈川 陽朔 永寧州 永福 義寧

全州 灌陽

臨桂縣 衝繁難郭下 有南亭蘇橋二驛峽口一鎮巡檢二 駐蘇橋六塘墟

漢置始安縣吳甘露元年于縣置始安郡唐貞觀八年改曰臨桂

駿樂山在縣東北劉昭稱始安郡記云東有駿樂山李吉甫謂之駿鹿山又名福祿山

灘水在縣東北源出興安縣陽朔山至漢潭與眾流匯乃分湘灘二流南流為灘水逕靈川縣至府城東北又南逕陽朔縣南

乾隆府屬州縣圖卷四十三

入平樂府界班固云零陵有灘水東南至廣信入鬱林行九百八十里今亦曰桂江又瀉水今名大融江至靈川縣境合灘水唐福祿廢縣在縣境

漢城在縣東北

興安縣

衝難西北至府一百三十里

有白雲驛巡檢一駐社水陸峒

唐武德四年分始安縣地置臨源縣大曆三年改曰全義五代晉時馬希範于縣置溇州宋乾德元年州廢太平興國元年改曰興安

陽海山在縣北班固云零陵陽海山湘水所出郡國志作陽朔山應劭曰湘出零陵山蓋山之殊名也

越城嶠在縣北鄺道元云湘灘之間陸地廣百餘步謂之始安嶠即此李吉甫云五嶺之最西嶺也下有越城嶠水北注湘

湘水源出陽海山北流至靈渠分為湘水東逕全州合羅灌二水又東入湖北公安縣界班固云湘水北至鄙入江過郡二行二千五百三十里

臨源故城在縣西又有全義故城在縣東二里今土人猶稱全義坊

越城在越城嶠西南

靈渠在縣西十里秦史祿所鑿以引灘水

巖關在縣西南十七里兩山對峙中為通道勢極險隘其南二十里即秦城舊說秦始皇築以限越

靈川縣

衝難西南至府五十里

有大龍驛永安白石塘下三鎮

唐龍朔二年分始安縣置

縣故城在今縣東南五里宋紹定四年移今治

陽朔縣

衡北少西至府一百五十里

有古社驛

三國吳分始安縣置尚安縣晉改曰熙平宋齊後廢隋開皇十年改置陽朔縣以縣北陽朔山得名宋南渡後省元初復置熙平水在縣東北三十里源出縣東龍山西注灑江又有朝夕塘水在縣東一日再增再減未嘗愆期故名

縣故城在今縣西十五里熙平廢縣在縣東北四十里又唐歸

義廢縣在縣西十五里

永寧州

簡東至府一百四十里

有常安一鎮巡檢一駐刺

漢始安潭中二縣地晉太康元年分置常安縣宋省梁大同八年改置梁化縣于縣置梁化郡隋開皇中郡廢十八年改縣曰純化大業二年省入始安唐武德四年復置永貞元年改曰慕化乾寧二年又分置古縣宋嘉祐六年省慕化後以古縣屬靜

江府明洪武十四年改曰古田縣隆慶五年改置永寧州

古田故城在州南三十里慕化廢縣在州南常安鎮

永福縣

衡東北至府一百里

有三里橫塘二驛蘭麻一鎮縣丞分駐鹿寨村

三國吳為始安永豐二縣地唐武德四年分置永福縣明隆慶五年與義寧同改屬永寧州

本朝還屬桂林府

白石水在縣東源出臨桂縣又西南入柳州府界

唐理定故城在縣西南四十里宣風廢縣在縣南

義寧縣

簡東南至府八十里

有巡檢駐廣南

五代晉天福八年馬氏以靈川縣之義寧鎮置縣宋開寶五年省六年復置

洛溪水在縣北一名義江酈道元云源出永豐縣西北洛溪山

乾寧府志卷四十三

東注瀕水

唐廣明廢縣在縣北古城墟

全州 衝繁難西南至府二百五十里

有雲陵驛建安西延宜湘柳浦四鎮州同分駐大埠巡檢二駐山棗山角

漢置零陵縣元鼎六年于縣置零陵郡領洮陽縣後漢移郡治泉陵以零陵洮陽二縣屬之隋廢二縣改置湘源縣仍屬零陵郡唐屬永州五代晉天福中馬氏改縣曰清湘于縣置全州元至元十四年改全州路明洪武初曰全州府九年降為州省清湘縣入之屬湖廣永州府二十八年改屬桂林府洮水在州北五十里源出州北文山南流入湘漢高祖追英布于洮水南即此

洮陽故城在州北三十五里地名改州灘零陵故城在州北三

十里梅潭

灌陽縣 難西至府三百二十里 有城田一鎮巡檢駐吉寧鄉

三國吳析零陵縣地置觀陽縣宋以後曰灌陽隋省入湘源縣大業後蕭銑復置唐武德七年廢上元二年復置五代晉天福中馬氏改屬全州

觀水在縣東今名灌江北至全州合湘水道元云觀水出臨賀郡之謝沐縣界西北逕觀陽縣西又西北流注于湘川謂之觀口

縣故城在今縣西二十里雀兒山隋以後移今治

柳州府 繁難

原額人丁一萬一千四百二十七 屯丁共三十二 又滋生人丁一千二百六十一

漢以前同桂林府漢為蒼梧郡潭中申留領方等縣地三國吳

鳳皇三年分置桂林郡梁陳間分置馬平郡隋平陳郡廢唐武德四年置昆州尋曰南昆州貞觀八年改曰柳州天寶初改龍城郡乾元元年復曰柳州光化三年屬湖南五代漢乾祐三年又屬南漢宋亦曰柳州龍城郡元至元十六年升柳州路總管府明曰柳州府

本朝因之分巡右江道駐此

府境

東西距四百二十五里
南北距八百三十里

八到

東至平樂府修仁縣界二百六十五里
西至慶遠府宜山縣界一百六十里
南至潯州府貴縣界二百七十里
北至湖南綏寧縣界五百六十里
東南至潯州府武宣縣界一百八十里
西南至思恩府遷江縣界一百二十里
東北至桂林府永寧州界一百三十里
西北至貴州永從縣界五百六十里
自府治至京師七千八百六十里

土貢

金 銀 鐵 布 香 穗子 桂心 藥 蚰蛇膽

管縣七州一

馬平 雒容 羅城 柳城 懷遠 融 象州 來賓

馬平縣

衝繁郭下 有雷塘穿山二驛巡檢二駐穿山三都

漢置潭中縣屬鬱林郡三國吳分屬桂林郡晉為郡治宋省齊復置梁陳時置馬平郡隋廢郡置馬平縣屬象州大業初屬始安郡唐武德四年置昆州治此貞觀中為柳州治宋咸淳元年州移治柳城明仍為柳州府治
潭水今亦名柳江自貴州永從縣流逕懷遠融柳城三縣入府城南又東南逕象州入潯州府界
縣故城在今縣北潭中廢縣在縣東南駕鶴山間唐新平廢縣在縣南

雒容縣

衝難西南至府六十里

有江口雒容二驛平樂江口二鎮巡檢二分駐

漢潭中縣地唐永徽中分置雒容縣屬巖州天授二年割屬柳州

縣故城在今縣東北七十里明萬曆三年徙今治唐廢象縣在縣南

羅城縣

簡東南至府一百九十里

有通道武陽二鎮巡檢二分駐

宋開寶五年分武陽縣置屬融州熙寧七年並省入融水明洪武二年復置

武陽水在縣北百里有二源一出縣西北平西里一出縣東北高懸里皆至武陽巖合流東南至柳城縣入柳江

縣故城在今縣北明洪武三年移今治唐武陽廢縣在縣北武陽鎮李吉甫云隋開皇十一年析義熙置臨泮縣唐永徽元年

廢人融水龍朔二年重置改為武陽按唐志武陽天寶初併黃

水臨泮二縣更置與吉甫不合疑龍朔初改臨泮為武陽天寶初又以黃水併入也黃水廢縣安修廢縣並在縣西北又樂善

廢州在縣北宋羈縻州

柳城縣

簡東南至府八十里

有馬頭東江羅江三驛古砦東泉二鎮巡檢二分駐

梁分潭中置龍城縣唐武德四年于縣置龍州貞觀七年州廢宋景德三年改曰柳城咸淳元年為柳州治明仍屬柳州

周水今名龍溪水在縣西南班固云定周周水首受無斂東入潭行七百九十里酈道元云潭水自鐔城又東南逕潭中縣周

水西南來注之

龍城故城在縣西南龍溪水南岸唐柳嶺廢縣在縣西

懷遠縣

衝難南至府三百一十里

有巡檢二砦梅寨古宜

漢潭中郡北境并柯蠻地南齊後為齊熙郡地唐為融州地後為古州蠻地宋崇寧四年置懷遠軍尋升為平州宣和二年賜名懷遠郡紹興四年州廢十四年復置懷遠縣屬融州明洪武十年縣廢十四年復置嘉靖末為諸獠所陷萬曆十九年更置潯江在縣東北自湖廣靖州界流八繞縣東西南流入大江縣故城在今縣北萬曆十九年移今治

融縣

衝難東南至府二百五十里

有長安司管二鎮巡檢二分駐

南齊于潭中縣置齊熙縣并置齊熙郡梁大同中于郡置東寧州隋平陳郡廢開皇十八年改州曰融州縣曰義熙大業初州廢唐武德四年復置六年改縣曰融水以融溪水為名天寶初曰融水郡乾元初復曰融州五代屬南漢宋曰融州融水郡大觀元年升為帥府置黔南路三年府罷賜名清遠軍節度升為

下都督府元至元十四年置安撫司十六年改為融州路尋降

為州明洪武初以州治融水縣省入十年降州為融縣

寶積山在縣東五十里產鐵又縣有銅鼓山

融水廢縣在縣西南

鉛場在縣南王存云融水縣有古帶一鉛場又有礬場

象州

衝西北至府一百三十里

有象臺驛巡檢一駐龍門

漢潭中中溜二縣地梁陳時分置象詔陽等郡隋平陳郡皆廢開皇十一年改置桂林縣仍于縣置象州又分置陽壽縣大業初州廢唐武德四年復置天寶初曰象山郡乾元初復曰象州五代屬南漢宋亦曰象州象山郡元至元十五年改升為象州路總管府大德後仍降為州明洪武二年以州治陽壽縣省入象山在州西隔江李吉甫云州以之得名

隋桂林廢縣在州東南陽寧廢縣在州西南西寧廢縣在州南

唐武德廢縣在州西武化廢縣在州東北長風廢縣在州東古

長風城

來賓縣 衝難北至府一百八十里 有在城驛巡檢一駐界

唐武德四年分潭中縣地置文安縣尋改曰樂沙貞觀七年省

八新平改置懷義縣又于縣置嚴州天寶初改州曰循德郡縣

曰來賓乾元初復曰嚴州宋開寶七年州廢以縣屬象州明屬

柳州府

本朝雍正三年改屬賓州十二年還屬柳州府

古郎山在縣東南五十里

剛水今名都泥江在縣南東流入潯州府界

唐循德廢縣在縣東歸化廢縣在縣南

慶遠府 繁難

原額人丁七千二百六十四
又滋生丁二千五十八

禹貢荊州南裔周百粵地秦象郡地漢為鬱林郡地晉後淪于

蠻唐貞觀四年始開置粵州治龍水縣乾封中改曰宜州天寶

初曰龍水郡乾元初復曰宜州唐末屬湖南五代漢乾祐三年

入于南漢宋初亦曰宜州龍水郡宣和元年升為慶遠軍節度

咸淳元年升為慶遠府元至元十六年置慶遠路總管府大德

元年改置慶遠南丹溪峒等處軍民安撫司明洪武三年仍為

慶遠府

本朝因之理苗同知駐德勝鎮

府境

東西距四百七十里
南北距二百九十里
東至柳州府柳城縣界四十里
西至貴州獨山州豐寧下土司界四百三十里

八到

八到

八到

八到

八到

八到

南至思恩府上林縣界一百二十里
北至柳州府羅城縣界一百七十里
東南至柳州府柳城縣界七十里
西南至思恩府安定土司界一百六十里
東北至羅城縣界五十里
西北至都勻府荔波縣界三百二十里
自府治至京師八千八十里

土貢

銀 錫 丹砂 布 楮皮紙 藥

管縣三州二土州二土縣一土司三

宜山 天河 河池州 思恩 東蘭州 那地土州

南丹土州 忻城土縣 永定土司 永順正土司 永

順副土司

宜山縣

繁難郭下

有德勝驛大漕宜陽二水驛德勝大漕
懷遠東江四鎮縣丞分駐楞村巡檢二
駐德勝及龍門

古百粵蠻地唐貞觀四年置龍水縣宋宣和初始改宜山

豚水今名龍江自貢州黎平府流逕柳州懷遠雜容二縣界入
縣北即右江之上源

龍水故城在縣北宜山下唐崖山廢縣在縣東南洛曹廢縣在

縣東東壘廢縣在縣西溫泉廢州在縣東思順歸化二廢州在

縣東南廢蕃州在縣南廢琳州在縣西述昆廢州在縣西南

天河縣 難南少西至府一百十里 有福祿一鎮

古蠻地唐貞觀四年始置天河縣宋大觀元年廢入融州靖康

元年復置

縣故城在今縣西宋嘉熙後凡五徙始歷今治

河池州

難東至府二百五十里

有州同知分駐三望

唐羈縻智州地宋初置河池縣屬羈縻金城州後屬智州又改
屬宜州大觀初于縣置庭州改縣曰懷德四年州廢仍曰河池

縣明永樂六年升為河池州

故城在今州治東又金城廢州在州東北金城堡廢智州在州東

富仁銀監在州東宋乾德二年置王存云宜州又有寶富一銀場

思恩縣難東南至府一百五十里

古生蠻地唐貞觀十二年開置環州治正平縣兼置思恩縣屬之天寶初改正平郡乾元初復曰環州後省正平移州治思恩縣宋熙寧八年州廢以縣屬宜州明宏治十七年改屬河池州縣故城在今縣南廢環州在縣西北以縣南六里環江得名宋都亮廢縣在縣東都亮鄉鎮寧廢州在縣西鎮寧鄉廢溪州在縣北大溪里撫水廢州在縣北

中洲在縣東北一百五十里分上中下三里皆獠所居過此即

古州八萬獠之地

東蘭州難東北至府四百二十里

古蠻洞地宋初置羈縻蘭州屬宜州管崇寧五年納土元改曰

東蘭州

本朝雍正七年改流

故州在今州東南宋廢文州在州西南二百四十里廢兌州在

州東南廢隆州在州南

那地土州簡東北至府三百四里

宋崇寧五年蠻洞納土置地那二州明洪武初省那州入地州

改那地土州

剛水今名烏泥江在州南自泗城府流入東南逕東蘭州及思

恩府都陽安定諸土司入忻城縣南又東入思恩府界俗名紅水江下流亦名都泥江

宋廢孚州在州東又廢那州在今州南

南丹土州 簡東南至府三百四十里

唐為羈縻極邊之地宋初置南丹州元初置安撫司大德初併司入慶遠路明洪武初仍曰南丹州二十八年州廢改設南丹衛尋復為南丹土州

孟英山在州西北三十五里產銀砂三寶山在州西二里舊產錫又河池州有高峯坑亦產錫礦舊置高峯廠于此

故州在州東北宋廢觀州在州東又元置永蠻福延四州長官司隸思州安撫司明洪武初並省入南丹中平廢縣在州北中平村

忻城土縣 北少西至府九十里

古蠻地唐初置芝州治忻城縣天寶初曰忻城郡乾元初復曰芝州宋初為羈縻州慶曆三年州廢以縣屬宜州明宏治間降為土縣

唐廢紆州及歸恩廢州並在縣東

永定土司 西北至府六十里

永順正土司 東北至府三百里

永順副土司 西南至府四十里

並明宏治五年置

思恩府 繁難

原額人丁共一萬四千五百八十六 屯丁一百十八 又滋生人丁八百四十四

漢以前同慶遠府漢為鬱林郡廣鬱增食領方等縣地晉宋以

後為晉興郡地唐置羈縻思恩州隸邕州都督府宋亦曰思恩州屬邕州右江道元屬田州路明初屬田州府永樂三年直隸廣西布政使司正統五年升為思恩府尋改為軍民府宏治末改同正府

本朝因之理苗同知駐百色

府境

東西距九百九十五里

八到

南北距三百七十里

東至邕州府來賓縣界二百八十五里
西至雲南上富州界七十里
南至慶遠府宜化縣界一百三十里
北至慶遠府永定土司界二百四十里
東南至宣化縣界二百四十里
西南至太平府龍英土州界六百二十五里
東北至慶遠府宜山縣界三百六十里
西北至慶遠府東蘭州界二百四十五里
自府治至京師九千四百里

土貢

金 蛇 鉛 綿 布 麻 靛 草紙 藤器 篋筒

管縣三州一土州一土縣一土司九

武緣 賓州 遷江 上林 田州土州 上林土縣

白山土司 興隆土司 定羅土司 舊城土司

下旺土司 那馬土司 都陽土司 古零土司 安

定土司

武緣縣

繁難郭下

有巡檢二駐百色及高井寨

漢領方縣地唐晉興縣地宋始徙置武緣縣屬邕州元屬南甯府明萬曆七年改屬思恩府

唐思恩故城在縣西北一百五十里晉樂昌廢縣在縣南三十里樂昌鄉明鳳化廢縣在府境

賓州

繁難西至府一百五十里

有在城清水二驛安城一鎮巡檢駐

漢置領方縣屬鬱林郡為都尉治三國吳改曰臨浦縣晉初復

故梁兼置領方郡隋平陳郡廢唐初屬南方州貞觀五年始于
縣置賓州以州境賓水爲名天寶初曰安城郡至德二載改領
方郡乾元初復曰賓州宋開寶五年州廢六年復置曰賓州安
城郡元曰賓州路至元十六年置下路總管府後降爲州明初
以州治領方縣省入屬柳州府

本朝雍正三年升爲直隸州領遷江上林來賓三縣十二年改
屬思恩府

領方山在州南三十五里古郡縣皆以此名古漏山在州西南
三十里宋咸平中州守王舉鑿厓燒石開闢關路以通行旅山
下有古漏水

領方故城在州西二十里隋安城故城在州東安城鎮唐思干
廢縣在州西南

遷江縣

衝難西少南至府二百八十里

有清水羅白二鎮
巡檢駐平陽墟

唐于領方縣地置羈縻思剛州宋天禧四年改置遷江縣

剛水今俗名紅水江自慶遠府流入又逕來賓縣入潯州府界
縣故城在今縣北明洪武二十三年移今治

上林縣

繁難西至府一百八十里

有思隴驛三畔周安二
鎮縣丞分駐三里營巡
檢二驛周安思隴

唐武德四年析領方縣置又于縣置南方州貞觀八年改曰澄
州天寶初改賀水郡乾元初復曰澄州宋開寶五年州廢縣屬
邕州端拱三年改屬賓州

北江源出古零土司界東流入縣至章光嶺與南江合逕縣北
又東入遷江縣界爲清水江又東北合紅水江

唐止戈廢縣在縣西李吉甫云止戈無虞賀水三縣並武德四

年析置屬澄州馬端臨云開寶二年州廢以三縣併入上林
田州土州 簡東至府四百五十里 有巴馬一鎮

漢鬱林郡地唐開元中始置田州治都救縣天寶初曰橫山郡
乾元初復曰田州貞元二十一年廢後復置為羈縻州宋亦曰
田州元升為田州路明洪武初曰田州府嘉靖七年降府為州
復添設田甯府治焉明年府廢復為田州直隸廣西布政使司
本朝康熙三年改屬思恩府又有土州判駐陽萬

右江在州南又東逕上林縣入南甯府界樂史云右水源出田
州西北流入鬱江

州故城在今州東南三十里宋焚鳳廢州在州東上隆廢州恩
城廢州並在州北

上林土縣 簡東北至府二百七十里

宋置隸橫山寨元屬田州路明嘉靖初改屬

縣故城在今縣東十里

白山土司 西南至府八十里

明嘉靖七年分置

興隆土司 南至府七十里

定羅土司 東至府一百四十里

舊城土司 東南至府一百五十里

下旺土司 東至府二百一十里

那馬土司 東南至府九十五里

都陽土司 東南至府六百里

古零土司 西南至府八十里

安定土司 西南至府一百六十五里

並嘉靖七年分置

泗城府

額編人丁無

古百粵蠻地宋置泗城州屬邕州橫山寨元屬田州路

本朝順治十五年升為泗城府尋改為泗城軍民府屬思恩府

雍正五年改設流官直隸廣西布政使司

府境

八到

東	西	南	北	東	南	西	北	東	南	西	北
至慶遠府	至貴州	至思恩府	至南籠府	至土田州	至永豐州	至田州	至廣南府	至蘭州	至永豐州	至京師	至京師
界二百里	界四百五十里	界一百五十里	界三百七十里	界一百七十里	界一百七十里	界一百七十里	界一百七十里	界四百七十里	界四百七十里	界一萬一千四十五里	界一萬一千四十五里

土貢

蠟 降香 雄黃 縮砂 草果 烏藥 麝

管縣二州一

凌雲 西隆州 西林

剛水今俗名紅水江在府北一百五十里又東入慶遠府界盤

水亦逕府北境與盤江合下注鬱水

泗城故城在府西南明洪武初移今治宋廢利州在府西南六

十里元唐興廢州在府南一百里明廢程縣在府東北三百二

十里

凌雲縣

要南至府五十里

有縣丞分駐天我巡檢駐平樂

乾隆

年置

西隆州

衝難東南至府四百三十里

有州同知分駐入陽

古百粵蠻地元置安隆峇屬泗城州明永樂元年置安隆長官

司

本朝康熙五年改置西隆州雍正五年升直隸州八年改屬泗
城府

西林縣 難東至府五百七十里 有巡檢駐潞城

古百粵蠻地宋元曰上林洞屬泗城州明永樂七年置上林長
官司萬厯中併入泗城州

本朝康熙五年始置西林縣屬思恩府尋改屬西隆州雍正八
年改屬泗城府

乾隆府廳州縣圖志卷四十四

賜進士及第翰林院編修充 國史館纂修官 臣洪亮吉撰

廣西布政使司

平樂府 衝難

原額人丁一萬一千九百三十三
又滋生人丁六百六十七

漢以前同桂林府漢為蒼梧郡荔浦富川馮乘謝沐臨賀等縣
地三國吳分置平樂縣屬始安郡宋屬始建國齊仍屬始安郡
唐武德四年于平樂縣置樂州貞觀八年改曰昭州天寶初曰
平樂郡乾元初復曰昭州五代初屬湖南後屬南漢宋仍曰昭
州平樂郡元大德中改平樂府

本朝因之捕盜同知駐麥嶺

府境 東西距九百四十里
南北距二百七十里

八到

東至廣東連山縣界五百六十里
西至潯州府平南縣界三百八十里
南至梧州府蒼梧縣界二百六十里
北至桂林府陽朔縣界十里
東南至梧州府懷集縣界二百里
西南至梧州府藤縣界四百七十里
東北至湖廣永明縣界一百里
西北至陽朔縣界六十里
自府治至京師七千六百三十里

土貢

金 銀 銅 鐵 錫 鍾乳 焦布 竹布 花簞
青蠟 鉛粉 降香 蚌蛇膽 石斛 白蠟 黎母汁

管縣七州一

平樂 恭城 富川 賀 荔浦 修仁 昭平 永

安州

平樂縣

繁難郭下

有昭潭昭平龍門三水驛

漢荔浦富川二縣地三國吳甘露元年分置平樂縣唐武德四

年于縣置樂州後為昭州治

縈山在縣東南九里日巖山在縣北二十里巖有兩孔相對如

人目故名

灘水在府城南亦名府江自桂林府陽朔縣流入又南逕昭平

縣東入梧州府界又平樂水在縣東北西南注灘江

縣故城在今縣西南三里荔浦江口宋大中祥符元年移治州

城東唐永平廢縣在縣東北厯塘村沙亭廢縣在縣西孤州廢

城在縣東南四十里

恭城縣

簡西南至府六十里

有巡檢駐鎮峽寨

唐武德四年分平樂置屬樂州後屬昭州

銀殿山在縣東李吉甫云其下有鐘乳穴十二所勢江源出于

此

縣故城在今縣東明成化十三年移今治

富川縣 繁難西北至府二百六十里

有鍾山一鎮巡檢駐白霞

漢舊縣三國吳改屬臨賀郡隋初屬賀州大業初改屬始安郡唐武德四年仍屬賀州天寶初改曰富水尋復故明洪武九年改屬平樂府

桂嶺在縣東南一百二十里與湖廣江華縣廣東連山縣接界即古臨賀嶺也一名萌渚嶠南康記五嶺第四嶺曰臨賀

靈谿水今名富水酈道元云靈谿水出富川縣北符靈岡南流逕其縣東又南注于灘水

縣故城在今縣西南明洪武二十八年移今治漢馮乘廢縣在縣東北隋綏越廢縣在縣南

賀縣

繁難西北至府三百七十里

有信都一鎮巡檢二駐信都及會甯

漢置臨賀縣三國吳黃武五年置臨賀郡宋泰始五年改曰臨慶國齊復故隋平陳廢郡置賀州大業初州廢又廢縣入富川十二年復置臨賀縣唐武德四年復于縣置賀州天寶初改臨賀郡乾元初復曰賀州宋元亦曰賀州明洪武二年省臨賀縣入州十年改州為賀縣

橘山在縣東北二十五里橘水出于此新唐書臨賀縣東有銅冶在橘山又嘗產銀宋置銀場于此王存云縣北大山有東遊龍中二冶百姓採沙燒錫以取利焉又有寶場開寶四年省臨水源出富川縣靈亭鄉賀水源出縣東南界至縣東與臨水合更名臨賀水

朝岡在縣東北又有程岡在縣東南並有鐵鉞自隋至唐採取漢封陽廢縣在縣南百里封陽墟隋桂嶺廢縣在縣東北一百

里桂嶺下梁蕩山廢縣在縣西招賢鄉

荔浦縣 簡東少北至府七十五里

漢舊縣唐武德四年于縣置荔州貞觀十二年州廢還屬桂州
明宏治四年改屬平樂府

瀨水今名荔江在縣南酈道元云瀨水出荔浦縣西北魯山之
東逕其縣西與濡水合又東注于灘濡水今名山月江

荔州故城在縣西四十里三國吳永豐廢縣在縣西北五十里
永寧鎮唐崇仁廢縣在縣西南

荔平關在縣南漢置在荔水之上久廢
修仁縣 難東少北至府一百二十里

三國吳分荔浦置建陵縣齊曰建陵左縣唐貞觀二年于縣置
晏州十二年州廢長慶元年改曰修仁宋熙寧四年省為鎮入

荔浦元豐初復置仍屬桂州明宏治四年改屬平樂府

建陵故城在縣南唐武龍廢縣在縣西北

昭平縣 衝北至府一百二十里

梁分臨賀置龍平縣兼置靜州及梁壽靜慰二郡隋初郡並廢

大業初州廢唐武德四年復于縣置靜州貞觀八年改曰富州

天寶初改開江郡乾元初復曰富州宋開寶五年州廢宣和中

改縣曰昭平淳熙六年復曰龍平明洪武十八年省入平樂縣

萬曆四年復置昭平縣

印岡山在縣東北

劉宋歸化廢縣在縣西北又安樂博勞廢縣皆在縣境隋豪靜

廢縣在縣南百餘里馬江廢縣在縣東南馬江里唐思勤廢縣

在縣東北陶唐村

永安州

簡東北至府一百八十里

有平旦一鎮

隋開皇十年分荔浦置隋化縣唐武德四年改曰立山于縣置南恭州貞觀八年改曰蒙州天寶初改蒙山郡乾元初復曰蒙州宋熙寧五年州廢以立山縣屬昭州明洪武十八年省入平樂縣成化十三年復置曰永安州屬桂林府宏治四年改屬平樂府

蒙山在州西南五里新唐書蒙州取州東蒙山為名下有蒙水李吉甫云舊名涇水今又名眉江注灘水

蒙州故城在州治南唐正義廢縣在州西北東區廢縣在州東南欽政廢縣在州境

梧州府

繁難

原額人丁二萬六千二百五十五
又滋生人丁一千六百八十二

禹貢荊州徼外地周為百粵地後為楚地秦屬桂林郡漢初屬南粵元鼎六年置蒼梧郡元封五年為交阯刺史治後漢建安末屬交州三國吳分屬廣州隋平陳罷郡為蒼梧縣唐武德四年始置梧州天寶初曰蒼梧郡乾元初復曰梧州五代初屬湖南漢乾祐三年入南漢宋亦曰梧州蒼梧郡元至元十四年置安撫司十六年改梧州路明曰梧州府

府境

八到

東	西	南	北	東	西	南	北
至	至	至	至	至	至	至	至
廣	廣	廣	廣	廣	廣	廣	廣
東	東	東	東	東	東	東	東
封	封	封	封	封	封	封	封
川	川	川	川	川	川	川	川
縣	縣	縣	縣	縣	縣	縣	縣
界	界	界	界	界	界	界	界
四	四	四	四	四	四	四	四
十	十	十	十	十	十	十	十
里	里	里	里	里	里	里	里
東	西	南	北	東	西	南	北
至	至	至	至	至	至	至	至
廣	廣	廣	廣	廣	廣	廣	廣
東	東	東	東	東	東	東	東
信	信	信	信	信	信	信	信
宜	宜	宜	宜	宜	宜	宜	宜
縣	縣	縣	縣	縣	縣	縣	縣
界	界	界	界	界	界	界	界
四	四	四	四	四	四	四	四
百	百	百	百	百	百	百	百
二	二	二	二	二	二	二	二
十	十	十	十	十	十	十	十
五	五	五	五	五	五	五	五
里	里	里	里	里	里	里	里
東	西	南	北	東	西	南	北
至	至	至	至	至	至	至	至
廣	廣	廣	廣	廣	廣	廣	廣
東	東	東	東	東	東	東	東
西	西	西	西	西	西	西	西
寧	寧	寧	寧	寧	寧	寧	寧
縣	縣	縣	縣	縣	縣	縣	縣
界	界	界	界	界	界	界	界
二	二	二	二	二	二	二	二
百	百	百	百	百	百	百	百
六	六	六	六	六	六	六	六
十	十	十	十	十	十	十	十
五	五	五	五	五	五	五	五
里	里	里	里	里	里	里	里
東	西	南	北	東	西	南	北
至	至	至	至	至	至	至	至
廣	廣	廣	廣	廣	廣	廣	廣
東	東	東	東	東	東	東	東
陽	陽	陽	陽	陽	陽	陽	陽
山	山	山	山	山	山	山	山
縣	縣	縣	縣	縣	縣	縣	縣
界	界	界	界	界	界	界	界
四	四	四	四	四	四	四	四
百	百	百	百	百	百	百	百
八	八	八	八	八	八	八	八
十	十	十	十	十	十	十	十
五	五	五	五	五	五	五	五
里	里	里	里	里	里	里	里
東	西	南	北	東	西	南	北
至	至	至	至	至	至	至	至
廣	廣	廣	廣	廣	廣	廣	廣
東	東	東	東	東	東	東	東
昭	昭	昭	昭	昭	昭	昭	昭
平	平	平	平	平	平	平	平
縣	縣	縣	縣	縣	縣	縣	縣
界	界	界	界	界	界	界	界
一	一	一	一	一	一	一	一
百	百	百	百	百	百	百	百
五	五	五	五	五	五	五	五
十	十	十	十	十	十	十	十
二	二	二	二	二	二	二	二
里	里	里	里	里	里	里	里
東	西	南	北	東	西	南	北
至	至	至	至	至	至	至	至
京	京	京	京	京	京	京	京
師	師	師	師	師	師	師	師
八	八	八	八	八	八	八	八
千	千	千	千	千	千	千	千
五	五	五	五	五	五	五	五
百	百	百	百	百	百	百	百
三	三	三	三	三	三	三	三
十	十	十	十	十	十	十	十
二	二	二	二	二	二	二	二
里	里	里	里	里	里	里	里

土貢

枕榔木 嘉魚

龍眼

荔枝

婆羅密

白石英

蚌蛇

管縣五

蒼梧 藤 容 岑溪 懷集

蒼梧縣

衝繁郭下

有府門龍江二驛巡檢三駐安平長行東安

漢置廣信縣為蒼梧郡治隋開皇中郡廢改縣曰蒼梧唐武德四年于縣置梧州

通星山在縣北六十里李吉甫云漢劉曜為太守嘗登此山仰觀星象因名又縣西桂江上有石英山產石英宋時充貢

鬱水自潯州府平南縣界流入藤縣又逕府城西南隅與桂江合又東入廣東封川縣界在藤縣名藤江在府南名大江灘水今名桂江在縣西北自平樂府昭平縣流入注鬱水

漢猛陵廢縣在縣西北晉甯新廢縣在縣東南戎城廢縣在縣

西南

水關在縣南大江中明成化六年督臣韓雍請立關榷鹽木諸貨以充軍實

本朝別設盤鹽廠關在稅關左

藤縣

繁難東至府六十里

有雙菟黃田金雞藤江四驛赤水一鎮巡檢二駐白石賣家二寨

晉升平五年于猛陵縣地置永平郡治安沂縣領夫甯縣南齊徙郡治夫甯梁兼置石州隋平陳郡廢改州曰藤州縣曰永平大業初改州曰永平郡唐武德四年復于永平縣置藤州貞觀初改縣曰鐔津天寶初改藤州曰感義郡乾元初復曰藤州明洪武五年省鐔津縣入州十一年改州為藤縣

鐔津廢縣在縣北唐義昌廢縣在縣南一百二十里甯風廢縣

在縣西一百里感義廢縣在縣西

容縣 簡東北至府二百二十里

有白良繡江二驛巡檢二駐波羅里粉壁寨

晉武帝析合浦縣地置蕩昌縣梁改置陰石縣並置陰石郡隋平陳郡廢改縣曰奉化開皇十九年又改曰普甯唐元和中移容州來治乾甯四年升甯遠軍節度使五代屬南漢宋仍曰容州普甯郡元為容州路尋降為州明洪武十年省普甯縣入州尋改州為容縣

隋欣道廢縣在縣東北唐涓龍廢縣在縣西南宕山廢縣在縣

西

岑溪縣

簡東北至府一百八十里

有大崗一鎮巡檢駐平河村

梁于猛陵縣地置永業郡尋改為縣後省隋開皇十六年復置唐武德四年復析置龍城縣兼置南義州貞觀元年州廢二年

復置義州五年州廢六年復置天寶初改州曰連城郡至德二

載改龍城縣曰岑溪乾元初復曰義州宋太平興國初改曰南

儀州熙甯四年州廢以縣屬藤州明洪武十一年改屬梧州府

龍城廢縣在縣東二十里永業廢縣在縣東三十里永業鄉連

城廢縣在縣東南

懷集縣

繁難西至府三百六十里

有巡檢二駐武城鄉慈樂寨

晉元熙中析南海四會縣地置懷化縣劉宋元嘉中改置懷集

縣唐武德五年于縣置威州貞觀初州廢屬南綏州十三年屬

廣州元至元十五年屬賀州明洪武九年改屬梧州府

懷化廢縣在縣東二十里古城營劉宋永固廢縣在縣北唐游

水廢縣在縣西斥水渡

潯州府

衝繁

原額人丁一萬六千九百五十五
又滋生人丁一千三百六

漢以前同桂林府漢為鬱林郡地梁分置桂平郡隋平陳郡廢
仍屬鬱林郡唐武德四年屬南尹州五年屬鸞州七年分置潯
州尋廢貞觀七年始于桂平縣置潯州取潯江為名十二年省
入冀州長壽元年復置天寶初改潯江郡乾元初復曰潯州五
代屬南漢宋開寶五年廢入貴州六年復置仍曰潯州潯江郡
元至元十六年置潯州路總管府明洪武三年改潯州府

府境

八到

東西距四百二十里
南北距五百二十里
東至梧州府藤縣界一百九十里
西至南寧府橫州界二百二十里
南至鬱林州界一百九十里
北至柳州府象州界三百三十里
東南至鬱林州北流縣界二百八十里
西南至鬱林州興業縣界二百二十里
東北至平樂府永安州界二百六十里
西北至柳州府來賓縣界二百八十里

自治府至 京師八千四百一十里

土貢

金 銀 鉛 紵布 桂 鐵力木 葵 毛絲竹

管縣四

桂平 平南 貴縣 武宣

桂平縣

衝郭下

有武靖靜寧二鎮巡檢二駐大黃江口穆樂墟

漢布山阿林二縣地梁分置桂平郡隋平陳廢郡為縣唐貞觀
七年為潯州治

大容山在縣南一百九十里廣濶數百里通鬱林容縣岑溪博
白北流陸川等縣山形四面相似入者迷出澗水屈曲分為九
十九派

大藤峽在縣西北六十里介武宣象州永安桂平平南藤縣之
間四山環繞綿亘數百里最為險惡峽口有大藤大逾斗長數

丈橫生跨江猺人藉以渡峽明成化初督臣韓雍討平猺賊斬其藤易名斷藤峽嘉靖初猺賊復流劫潯梧上下七年督臣王守仁討平之後峽賊侯勝海等復爲亂督臣蔡經討平之三興大役而後底定

鬱水自南甯府橫州流入逕貴縣南又東逕府城南至城東與黔江合又東逕平南縣南名龔江又東入梧州府界潭水今名黔江自柳州府象州流入逕武宣縣西曰潭江又東南逕府城東與藤水合爲潯江

縣故城在今縣西宋嘉祐中移今治阿林廢縣在縣東隋大賓廢縣在縣東南皇化廢縣在縣東唐廢繡州在縣西南一百五十里又羅繡廢縣在縣南八十里羅繡里盧越廢縣在縣南明武靖廢州在縣東北三十里

平南縣

衝西至府一百里

有烏江水驛巡檢二駐大烏墟秦川鄉

晉初分猛陵置武城縣後省宋元嘉二年改置武林縣唐貞觀三年于縣置鸞州七年改置龔州都督府又分置平南縣尋移州治之天寶初改臨江郡乾元初復曰龔州宋開寶五年省武林縣入平南政和元年州廢三年復置紹興六年又廢

武林廢縣在縣東南隋建廢縣在縣東北唐大同廢縣在縣東北五十里大同鄉秦州廢縣在縣東北武郎廢縣在縣北陽川平原廢縣在縣西北歸政廢縣在縣西

貴縣

繁難東北至府一百四十里

有東津香江二水驛之江五山二鎮巡檢駐五山汛

漢置鬱林郡治布山縣梁普通四年於郡置南定州隋平陳郡廢改置鬱林縣改州曰尹州大業初省布山入鬱林又改州曰

鬱州尋復為鬱林郡唐武德四年復曰南尹州貞觀八年改貴州天寶初改懷澤郡乾元元年復曰貴州元大德三年以州治鬱林縣省入明洪武三年又降州為貴縣

顯朝岡在縣北二十里李吉甫云陸績為太守登此制渾天儀浮溪水今名潮水泉在縣西六十里

鬱林故城在縣南鬱江南三里布山廢縣在縣東懷澤廢縣在縣南龍山廢縣在縣北唐義山廢縣在縣西北潮水廢縣在縣西

武宣縣 衝難東南至府二百里 有仙山驛永安縣廓二鎮 巡檢駐廓鎮

唐武德四年析桂林縣地置武仙縣貞觀十三年徙象州來治大歷十二年徙州治陽壽以縣屬之明宣德六年改為武宣本朝雍正三年分屬賓州八年改屬潯州府

剛水今名都泥江在縣西北自柳州府來賓縣流入合潭水按

留水亦當經縣境漢中留縣即以水名酈道元云留水南出布山下疑即象州水也源出臥龍山西北流合天柱石人諸溪水

逕州城北入柳江

武仙故城在今縣東下水二十里明宣德六年移今治漢中溜廢縣在縣西南

南甯府 衝繁難

原額人丁二萬三千三百二十五 又滋生人丁一千六百七十六

漢以前同桂林府漢為鬱林郡領方廣鬱等縣地三國屬吳晉太興元年分置晉興郡治晉興縣隋平陳郡廢縣屬鬱林郡唐武德四年分置南晉州貞觀六年改曰邕州乾封元年置都督府天寶元年改曰朗甯郡十四年置邕管經畧使乾元初復曰

邕州咸通三年于州置嶺南西道節度使五代屬南漢改建武軍節度晉天福七年避廟諱改曰誠州漢初復故宋曰邕州永寧郡節度如故仍置都督府元至元十六年置邕州路總管府兼左右兩江鎮撫泰定元年改南寧路明洪武初改南寧府本朝因之分巡左江道駐此

府境

東西距四百三十里
南北距三百三十五里

八到

東至潯州府貴縣界三百四十里
西至太平府羅陽土縣界九十里
南至廣東欽州界二百七十里
北至恩府武緣縣界六十五里

東南至廉州府靈山縣界五十里
西南至安南界三百六十里
東北至思恩府賓州界二百二十里
西北至思恩府白土司界三百十里

自府治至京師八千三百一十二里

土貢

金 銀 芋麻 荔枝 梳榔 橄欖 象 馬 豬 鼓公 越鳥 蚰蛇膽 蠶絲

管轄三州三土州三

宣化 新寧州 隆安 橫州 永淳 上思州 歸

德土州 果化土州 忠州土州

宣化縣

衝繁疲難郭下

有建武黃花陵山大淮四驛巡檢五駐三官堡潭落墟及八尺金城遷龍三寨

晉元帝分領方置晉興縣隋開皇十八年改縣曰宣化

鬱水在縣西南上流為左右二江李吉甫所云左右溪也至此合又名大江東逕永淳縣橫州入潯州府界班固云鬱水首受夜郎豚水東至四會入海過郡四行四千三十里酈道元云溫水東逕增食縣文象水注之水經又至領方縣東與斤原水合東北入于鬱新唐書鬱水自蠻境七源州流出州民嘗苦之景雲中司馬呂仁引渠分流以殺水勢自是無浸溺之患

晉興故城在縣北隋武緣廢縣唐封陵廢縣橫山廢縣並在縣東朗甯廢縣在縣西北八十里

昆侖關在縣東北一百二十里昆侖山上宋皇祐四年狄青討儂智高元夜潛渡關大敗賊兵即此

合江鎮在縣西五十里左右二江合流處也
新甯州 簡東至府七十里

唐武德五年析晉興郡地置如和縣宋景祐二年省入宣化縣復置羈縻武黎州屬邕州左江道元廢明隆慶六年始分宣化及忠州江州之地置新甯州

唐西原廢州在州西南新唐書羈縻西原州領羅和古林羅淡三縣如和廢縣在州東如和都

武黎峒在州西王存云左江道羈縻武黎州圖經明初廢為峒

隆安縣 簡東南至府二百四十里

唐景雲後分宣化置思籠縣宋開寶五年廢入宣化明嘉靖七年始分置隆安縣

思籠廢縣在縣南思籠鄉

橫州 衝難西北至府二百四十里

有烏蠻川門二水驛巡檢駐大灘

三國吳永安三年分鬱林合浦二郡地置甯浦縣又于縣置合浦北部都尉晉太康七年改置甯浦郡梁增置簡陽郡隋開皇中二郡俱廢改置簡州十八年改曰緣州大業二年州廢唐武德四年復置簡州六年曰南簡州貞觀八年改曰橫州天寶初復曰甯浦郡乾元初仍為橫州元至元十六年置橫州路總管府元貞初復降為州明洪武初以州治甯浦縣省入改屬潯州府十年降為縣屬南甯府十四年復為州

鳴石山在州西五里山海經長石之山山多鳴石卽此

晉興道廢縣在州東南百里三國吳平山廢縣在州北平山村

甯浦廢縣在州西南梁簡陽廢縣在州西南六十里樂山廢縣

在州東南五十里樂山鄉嶺山廢縣在州西唐蒙澤廢縣在州

西四十里從化廢縣在州東北七十里

永淳縣簡西至府二百里有永淳火煙二水驛巡檢二駐武羅南里

唐貞觀末于領方縣地置永定縣又于縣置巒州尋廢開元十

五年復置天寶初曰永定郡乾元初復曰巒州宋開寶五年州

廢熙寧四年省縣入甯浦元祐三年又置更名永淳

巒州故城及唐武羅廢縣在縣北靈竹廢縣在縣東北

上思州簡東北至府二百里漢鬱林合浦二郡地晉後曰于巒唐置羈縻上思州屬邕州都

督宋屬左江道元屬思明路明宏治十八年改屬南甯府

武離水一名明江源出州南十萬山西流五百八十里入左江

州故城在今州南明宏治十六年始移今治改設流官唐廢灑

州在州南

歸德土州東南至府二百六十里

果化土州東南至府四百二十里

忠州土州東北至府一百九十里

並宋熙寧中置

太平府衝難

原額人丁四千四百七十五
又滋生人丁二百五十五

禹貢荊州南裔周百粵地漢鬱林郡臨塵雍雞等縣地晉以後
為蠻獠所居唐置羈縻州屬邕州都督府宋初分爲左江道後

析置太平砦仍屬邕州元置太平路仍屬左江道明洪武二年改爲太平府

本朝因之分防通判駐龍州轄上下龍司

府境 東西距四百八十里 南北距二百八十五里

八到 東至南甯府宣化縣界二百三十里 西至安南界二百五十里

南至南甯府歸德州界七十里 北至南甯府遷降峒界二百一十五里

東南至南甯府遷降峒界二百一十五里 西南至安南府隆安縣界二百六十里

東北至南甯府隆安縣界二百六十里 西北至鎮安府都康州界二百二十五里

自府治至京師一萬四千二百二十五里

土貢

芳竹 木綿 刺桐 芭芒草 杭藥 烏蛇 羅 金汁木 塞住藥 馬 錦

管縣一州四司土州十二土縣一土司一百八十八里

崇善 左州 養利州 永康州 甯明州 太平土

州 安平土州 萬承土州 茗盈土州 龍英土州

信倫土州 結安土州 都結土州 馮祥土州

土龍州 江州土州 思州土州 上下凍二州 羅

陽土縣

崇善縣

衝難郭下 有縣丞分駐恩城土州巡檢駐馱盧

宋置太平砦又分置崇善縣屬之明嘉靖十七年始移縣入府郭爲府治

左江在縣南一名麗江發源交趾界流五百八十里至古萬寨

下流九十里至南甯府合江鎮與右江合

縣故城在今縣西北六十里

左州 衝西南至府一百里 有馱朴驛

唐置羈縻州屬邕州都督府屬左江道元明屬太平路及太平

府

州故城在今州東十五里

養利州 難南至府一百五十里

宋置屬太平寨明宣德七年改同正州

故州在今州治北舊州村

永康州 難西南至府一百八十里

宋置永康縣屬遷隆寨明成化八年改同正縣萬曆二十七年升為永康州

故縣在今州北舊縣村改州時移今治宋思同廢州在州西南

思同村陀陵廢縣在州西南六十里

甯明州 衝難東北至府一百二十里

唐宋羈縻思明州地元別置思明州

本朝康熙五十八年改設流官雍正五年罷州以思明府同知管州事十一年改為甯明州

太平土州 東南至府一百十里

宋置太平州屬太平寨

安平土州 東南至府一百三十七里

唐置羈縻波州屬邕州都督府宋皇祐元年改曰安平州

萬承土州 西南至府一百五十里

唐置羈縻萬承州屬邕州都督府宋屬左江道元屬太平路

茗盈土州 西南至府一百七十里

宋置茗盈州屬邕州元屬太平路

龍英土州 南至府二百里

宋為龍英洞屬太平寨元置龍英州屬太平路

元上懷恩廢州在州西南

信倫土州 西南至府二百三十里

宋為信倫洞屬太平寨元升為信倫州屬太平路

結安土州 西南至府二百二十里

宋為結安峒屬太平寨元升為結安州

都結土州 西南至府三百八十里

宋為都結峒屬太平寨元升為都結州屬太平路

思陵土州 東北至府二百四十里

唐置羈縻思陵州屬安南都護府宋屬左江道元屬思明路明

洪武初省入思明府二十一年復置直隸廣西布政使司

本朝改屬太平府

唐廢祿州在州東南

馮祥土州 東北至府二百三十里

宋為馮祥峒屬邕州左江道元屬思明路明洪武十八年置馮

祥鎮永樂二年升為馮祥縣成化十八年又升為州屬思明府

本朝改屬太平府

土龍州 東南至府八十里

唐為羈縻龍州屬安南都護府宋屬左江道元大德中升為萬

戶府明洪武初復為龍州屬太平府九年直隸布政使司

本朝改屬太平府雍正三年罷龍州析其地為下龍司上龍司

設土巡檢七年移太平通判駐守乾隆

州故城在下龍司東北

江州土州 北至府二十五里

宋置羈縻江州屬邕州左江道元屬思明路明洪武初屬思明

府二十年直隸廣西布政使司後改屬太平府
思州土州 北至府一百三十里 有明江驛

唐置羈縻思明州屬邕州都督府宋屬左江道元至元二十四年改置思明路明洪武元年改思明府屬廣西布政使司

本朝改屬太平府雍正九年改爲思州土州
上下凍土州 東至府二百二十里

宋置羈縻凍州屬左江道元分爲上凍下凍二州屬太平路尋復合爲上下凍州屬龍州明屬太平府

羅陽土縣 西南至府二百里

宋置羅陽縣屬遷隆寨元屬太平路

鎮安府 難

額編人丁無

古百粵蠻地宋于鎮安洞置右江鎮安軍民宣撫司元改鎮安路屬湖廣行省明洪武二年改鎮安府屬廣西布政使司
本朝康熙二年改屬思恩府雍正七年直隸布政使司分防通

判駐小鎮安

府境 東西距三百四十一里
南北距二百一十里

八到 東至思恩府土田州界一百五十一里
西至雲南土富州界一百九十里
南至太平府龍英土州界一百二十里
北至土田州界九十里

東南至土田州界一百三十五里
西南至安南界二百二十里

東北至土田州界九十里
西北至土富州界二百里

自府治至 京師一萬一千四百九十五里

土貢 方竹 蠟 降香

管縣一州二土州四

天保 下雷土州 奉議州 歸順州 向武土州 都

康土州 上映土州

天保縣 難郭下

乾隆 年置

鎮安故城在縣西鎮安洞

下雷土州 簡北少西至府一百六十里

宋置元因之後廢為下雷洞明萬曆十八年復升為州

奉議州 要西南至府二百里

宋置奉議州元因之明洪武五年省入來安府七年復置二十

八年改為奉議衛尋罷衛復置州直隸布政使司嘉靖中改屬

思恩府

本朝雍正七年與上映都康二土州同改屬

州故城在今州東南五十里右江東岸

歸順州 繁難東北至府七十三里

元置明初廢為歸順峒宏治九年復置州

本朝初屬思恩府雍正七年改設流官屬鎮安府

州故城在今州南十里

湖潤寨在州東明置土巡檢

本朝雍正十一年改流

向武土州 西北至府一百八十里

宋置屬邕州橫山寨明洪武間改置向武軍民千戶所三十三

年復置向武州

州故城在今州西北五里元武林廢縣在州東十里富勞廢縣

在州東北六十五里

都康土州

西北至府一百九十里

宋置屬橫山寨元屬田州路明洪武間為夷獠所據建文元年

復置

上峽土州

西北至府一百五十里

宋置上峽州明初廢為洞萬歷三十二年復置

鬱林州

繁難

有西甌驛綠鴉一鎮巡檢駐撫康

原額人丁三萬三千九百一十四
又滋生人丁一千三百八十八

古百粵地秦桂林郡地兩漢至晉為鬱林合浦二郡地劉宋分
置南流郡齊又分置定川郡梁陳時省南流郡隋平陳廢定川
郡為定川縣屬合浦郡唐武德四年分置南流縣屬容州貞觀
十一年徙牢州治南流兼領定川縣天寶初曰定川郡乾元初
復曰牢州屬嶺南道五代屬南漢宋開寶七年廢牢州省定川

縣入南流縣屬鬱林州至道二年始徙州治南流元曰鬱林州

明洪武五年省南流縣入州屬梧州府

本朝雍正三年升直隸州

州境

東西距二百五十里

八到

南北距二百九十里

東至梧州府容縣界六十里

西至廣東合浦縣界一百九十里

南至廣東化州界一百七十里

北至潯州府桂平縣界一百二十里

東南至化州界一百七十里

西南至合浦縣界一百四十里

東北至潯州府平南縣界八十里

西北至潯州府貴縣界九十五里

自州治至京師八千七百四十里

土貢

葛仙米 布 勾芒木 椰子 人面草 縮砂

管縣四

博白 北流 陸川 興業

定川廢縣在州西南三十里定川下渡唐容山廢縣在州西北
八十里善勞廢縣在州北七十里

博白縣 難東北至州九十里 有巡檢二駐沙河周羅二寨

唐武德四年析合浦地置兼置南州六年改州曰白州天寶初
曰南昌郡乾元初復曰白州宋仍曰白州南昌郡政和初州廢
三年復故紹興六年州復廢縣屬鬱林州

梁南昌廢縣在縣南唐龍池廢縣在縣西南

海門鎮在縣西南一百五十里舊為入安南之道唐咸通三年
南詔寇安南勅都護蔡襲退屯海門鎮四年安南為南詔所陷
置行交州于此尋即鎮置安南都護

北流縣 繁難西至州四十里 有寶圭寨驛巡檢駐雙威寨

南齊永明六年于合浦縣地置北流郡梁陳間廢為北流縣唐

武德四年于縣置銅州貞觀八年改容州開元中升為都督府
并置容管經畧使天寶初曰晉甯郡乾元初復曰容州元和中
徙州治普甯縣仍屬焉明洪武十年改屬鬱林州

本朝屬梧州雍正三年還屬

句漏山在縣東北十五里銅石山在縣東十五里上有銅湖出
硃砂水銀

廢銅州在縣東南一里唐扶萊廢縣在縣東南八十里陵城羅
辨殺石三廢縣亦在縣東南

天門關在縣南三十里漢伏波將軍馬援伐林邑蠻路由于此
立碑石龜尚存晉時趨交趾皆由此關本名桂門關明宣德間
改今名

陸川縣 難北至州七十里 有永甯驛巡檢駐溫水

南齊于合浦縣地置陸川郡梁陳間廢為縣隋大業初省縣入北流唐武德四年復置

唐龍化廢縣在縣南四十里南河廢縣在縣西五十里龍豪廢縣在縣西南

興業縣 簡東至州六十里

漢布山縣地三國吳分置陰平縣晉太康元年改曰鬱平唐麟德二年分置鬱州又析置興業縣屬之乾封元年改曰鬱林州宋開寶五年移州治興業省鬱平入之至道二年又移州治南流以興業為屬縣

鬱平廢縣在縣西北四十里陳石南廢縣在縣東北五十里唐潭粟廢縣在縣東三十里興德廢縣在縣南興德鄉

曾孫用勲校刊

